

Codex Laureshamensis Teil: Bd. 1, Einleitung, Regesten, Chronik Nr. 146

Lucius episcopus servus servorum dei, dilectis filiis, Marquardo preposito aeccclesiae sancti Bartholomei apostoli de nova civitate, eiusque fratribus, tam presentibus quam futuris, regularem vitam professis in perpetuum. Ad hoc universalis aeccclesiae cura nobis a provisore omnium bonorum deo commissa est, ut religiosas diligamus personas, et beneplacentem deo religionem studeamus modis omnibus propagare. Neque enim deo gratus aliquando famulatus impenditur, nisi ex caritatis radice procedens, a puritate religionis fuerit conservatus. Eapropter dilecti in domino filii, vestris iustis postulationibus clementer annuimus, et prefatam ecclesiam in qua divino mancipati estis obsequio, sub beati Petri et nostra protectione suscipimus, et presentis scripti privilegio communimus; statuentes, ut quascumque possessiones, quecumque bona, eadem aeccclesia iuste et canonicae possidet, aut in futurum concessione pontificum, largitione regum vel principum, oblatione fidelium, seu aliis iustis modis deo propitio potuerit adipisci, firma vobis vestrisque successoribus et illibata permaneant. Advocatiam vero ipsius loci nullus sibi usurpare presumat, sed abbas laurishamensis eandem aeccclesiam cum pertinentiis suis loco advocati a pravorum hominum infestatione defendat. Peregrinos autem vel hospites vestros qui se ibi sepeliri deli-